

**BOSNA I HERCEGOVINA  
FEDERACIJA BOSNE I  
HERCEGOVINE**

**KANTON SARAJEVO  
SKUPŠTINA KANTONA  
VLADA KS**

n/r predsjedavajući Skupštine Kantona Sarajevo, premijer KS

Na osnovu člana 106., a u vezi sa članom 213. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15 48/48/16, 9/20, 14/20, 16/22 i 17/22-Ispravka), pokrećem:

**Inicijativu za rješavanje statusa osoba sa urođenim i stečenim invaliditetom sa procentom invalidnosti od 60%, 70% i 80%**

**Obrazloženje:**

Osobe sa invaliditetom koje imaju procenat invalidnosti od 60%, 70% i 80% su 2009. godine izvedene iz prava po tadašnjem zakonu u Federaciji Bosne i Hercegovine. Trenutno, pravo na podršku ostvaruju samo osobe sa invaliditetom od 90% i 100%. Prema procjenama, na nivou Federacije BiH postoji oko 65.000 osoba sa invaliditetom u ovim kategorijama, a ukupni troškovi za rješavanje njihovog statusa iznose oko 200 miliona KM. Međutim, zbog ograničenih sredstava u budžetu FBiH, rješavanje ovog problema predloženo je na kantonalnom nivou.

Kanton Sarajevo, kao pokretač pozitivnih procesa u BiH, ima odgovornost i mogućnost da predvodi u uspostavljanju mehanizama za zaštitu prava ovih osoba. Kako bi se osigurala prava osoba sa invaliditetom u ovim kategorijama, neophodno je najprije izraditi registar osoba sa invaliditetom na području KS, što bi omogućilo tačan uvid u broj korisnika i njihove potrebe. Registar bi bio osnova za izradu Zakona o zaštiti prava osoba sa invaliditetom na kantonalnom nivou i omogućio alokaciju sredstava za ovu ranjivu kategoriju građana.

**Prijedlog:**

Podnosim inicijativu da se u budžetu Kantona Sarajevo za 2025. godinu izdvoje dostatna sredstva za:

1. Izradu registra osoba sa invaliditetom koje imaju 60%, 70% i 80% invaliditeta.
2. Izradu Zakona o zaštiti prava osoba sa invaliditetom na kantonalnom nivou, koji bi definisao mjere podrške i zaštite prava ovih osoba.
3. Planiranje budžetskih sredstava za početak implementacije zaštite prava osoba sa invaliditetom na osnovu izrađenog registra i zakonskog okvira.

**Cilj:**

Ova inicijativa ima za cilj da Kanton Sarajevo preuzme liderstvo u rješavanju statusa osoba sa invaliditetom, osigura sistemsku podršku i zaštitu prava, te da ostalim kantonima u Federaciji BiH posluži kao primjer u provođenju sličnih mjera. Ovime bismo doprinijeli ravnopravnosti, socijalnoj uključenosti i boljem kvalitetu života osoba sa invaliditetom.

**Zaključak:**

Pozivam Vladu KS i nadležne institucije da hitno planiraju sredstva i započnu realizaciju ove inicijative, kako bi se osobe sa 60%, 70% i 80% invaliditeta konačno uključile u sistem podrške i zaštite njihovih prava. Ove osobe su predugo bile zanemarene, a naš zajednički zadatak je osigurati im dostojanstven i ravnopravan status u društvu.

ZASTUPNIK SDA U SKS  
Adi Kalem